



2024
**MTB
PS**
MEDIUM TERM
BUDGET POLICY
STATEMENT

• 30 October 2024

TOKOMANE YA TSHEDEDIMOSO SEPEDI

MTBPS KE ENG?

Setatamente sa Pholisi ya Ditekanyetšo tša Tlaleletšo (MTBPS) se hlagiša tlhako ya pholisi ya Ditekanyetšo yeo e tšweletšwago ka Hlakola ye nngwe le ye nngwe, e mpshafatša diponelopele tša ekonomi tša Matlotlo a Bosetšhaba, e akanyetša dipalo tša ditekanyetšo tšatlaleletšo, e beakanya ditekanyetšo tša dikgoro tša mmušo tša ngwaga wa bjale wa ditšelete gomme o dira diphetogo tša tšhoganetšo go tšhomiso ya tšelete.

MTBPS E ALWA NENG?

E alwa dikg wedi tše tharo pele ga ditekanyetšo tša setšhaba, gantši ka Diphalane ngwaga o mongwe le o mongwe. E alwa semeetseng ka morago ga tshepedišo ya Pego ya Tshekatsheko

ya Ditekanyetšo le Tigelo (BRRR), moo dipego tša ngwaga ka ngwaga ka dikgoro di sekasekwago ka tsinkelo.

KE KA LEBAKA LA ENG MTBPS E LE BOHLOKWA?

MTBPS e kgatha tema ye bohlokwa tshepedišong ka moka ya ditekanyetšo ka gobane e hlagiša tlhako ya tša ditšelete (yeo e laetšago dikakaretšo tše di nabilego tša ditekanyetšo tša palomoka ya letseno, ditshenyagelo le dikadimo tša ngwaga wo o filwego) bakeng sa ditekanyetšo tša bosetšhaba tše di latelago. Efa gape Palamente le nagaka kakaretšo mpshafatšo ya ka moo Kgoro ya Matlotlo e lemogago maemo a bjale a ekonomi ka gona. Ditekanyetšo ke sedirišwa se bohlokwa kudu sa ekonomi sa mmušo, ka ge di laetša ditlapele



national treasury
Department:
National Treasury
REPUBLIC OF SOUTH AFRICA





tša pholisi ya ekonomi ya leago tša naga ka go fetolela ditlapele le maitlamo a dipolotiki go ditshenyagelo. Tona Godongwana o letetšwe go tšweletša tebelelo ya ekonomi ya Afrika Borwa bjalo ka ge e sekasekwa le go boletswe pele ke Kgoro ya Matlotlo a Bosetšhaba. Tebelelo ya ekonomi ke tebelelo ye e boletswe pele ya gore ekonomi e tla šoma gabotse gakaakang mo kotareng ye e tlago, ngwaga goba nako ye telele. Se se tla akaretša ditekanyetšo tša inflešene, kgolo ya tšweletšo, tlhokego ya mešomo le tekatekano ya kgwebišano. Tebelelo ya ekonomi e bohlokwa kudu ebile e hlokometšwe kgauswi ke babeelsetši, ditheo tša tekanyetšo, batshedišwa le badudi ka kakaretšo.

KOMITI YA DITSHENYAGELO TŠA TŠHELETE TŠA NGWAGAGARE (MTEC) KE ENG

Ye ke komiti ya sethekniki yeo e nago le maikarabelo a go sekaseka ditlhagišo tša ditekanyetšo tša tlhako ya ditshenyagelotšangwagagare(MTEF)tšadikgoroledihlongwa tša bosetšhaba ka go dira ditshišinyo go Tona ya Ditšelete (ka Komiti ya Tona ka ga Ditekanyetšo (MINCOMBUD) mabapi le dikabelo go dikgoro tša bosetšhaba. E bopilwe ka baemedi go tšwa mafapheng a mmušo ao a kgethilwego.

DITONA TŠA KAROLO YA MOŠOMO DI BEAKANYA BJANG DITEKANYETŠO TŠA TŠONA?

Dikgoro le ditheo tša bosetšhaba le tša profense di laola ditshepedišo tša tšona tša ka gare go beakanya ditlhagišo tša ditekanyetšo tša ditshenyagelo go sepelelana le dinyakwa

tše di hlalošitšwego ka go ditlhahli tša ditekanyetšo le go ya ka maanotshepetšo le maano a mangwe. Ke moka ditlhagišo di dirwa go NDP, MTSF le Tlhako ya go Bea Ditekanyetšo Pele ya DPME. NT (PF, IGR, BO) e tsenya dihlongwa tše dipoledišanong tša sehlophatšhomo/mahlakore a mabedi ao dipolo tša ona e lego ditseno tša Matlotlo a Bosetšhaba, moo diforamo tše di fapafapanego tše di laetšwego di akanyago ditshišinyo tša MTEC.

TSHEPETŠO YA PALAMENTE YA MTBPS

Mabapi le MTBPS, dipego dihlagišwa ke Palamente ka ga tlhako ya tša ditšelete ya MTEF le karoganyo ya letseno (DOR), pele ga ge khuduthamaga e phethagatša ditekanyetšo

GO DIREGA ENG KA MORAGO GA GO ALWA GA MTBPS?

Ka morago ga go alwa ga MTBPS, Dikomiti tša Palamente (Dikabo le Ditšelete) di dira ditheeletšo tša setšhaba le bakgathatema ba maleba. Ditlhagišo di amogelwa go tšwa go baamegi nakong ya ditheeletšo tša setšhaba. Ka morago ga fao, dikomiti di lokišetša pego gomme di e ala ka Sebokeng sa Maloko a Palamente, seo se hlahlobago gape ditshišinyo tša ditshenyagelo le letseno. Matšatši a masometharo ka morago ga go ala MTBPS, dikomiti tša ditšelete tša Dintlo tše pedi di swanetše go bega ka ga tlhako ye e šišintšwego ya ditšelete gomme dikomiti tša Dikabo di swanetše go bega ka ga karoganyo ye e šišintšwego ya letseno le dikabo tša dithušo go diprofense le mebušo ya selegae. Ke moka go akanywa Molaokakanywaphetošwa wa Karoganyo ya Lekgetho (DORA).

Follow National Treasury on the following social media platforms: